

persones. Informaziuns y prenotaziun anter i 15 de má pro Marlene Ferdigg-Moling al nr.: 333 8879238. Gnide tröpes y tröc a passé n bel de!

Invit a düc i geniturs che á na picia müta, o n pice möt da batié, pèrs che aspeta, toc y totes de nosc Decanat, ala **preparaziun dl Bato, che vëgn tignida, en sabeda ai 4 de má 2024, jö AL PLAN, te salf de colonia, dales 15.00 ales 17.00.** Se inconfortun da se udëi tröc participanc y stlüjarun jö cun sté ciamó n pü adüm a s'la cunté y cun n pic renfresch, che l'Uniun dles ères da Al Plan, nes arjigna ca y ti dijun bel danfora n bel Giulan! Prenotaziuns al numer 3280717796.

La Uniun di ëi (Kmb) inviëia düc i ëi y i jogn a tó pert ala **prozesciun cun linternes o ciandères** (da se tò para) da Porsenú fina Neustift in **lünesc, ai 13 de mà dales 21.00.** Al vëgn organisè na coriera por la Val Badia: düc i interessá é periá da se anunzié pro Leo Crepaz (tel. 348 4096351) fina en domënia, ai 12 de má. La coriera passa a Pidro dales 19.15.

Ai 10 de má vëgnel tigní na ora de adoraziun dales 20.00 tla ciasa de S. Ojöp a Oies.

Al vëgn lascé alsavëi che dai 23 d'aurí inant él **mudaziuns pro i orars dles mësses a Oies.** dal mertesc ala **jöbia ales 19:30; dal vëndres ala domënia ésera ales 16:00.** Le lönesc n'él degüna mëssa.

Le KVV de Puster organisëia in sabeda, ai 01 de jügn n pelegrinaje di/les vëdui/es y dles persones sores a Ettal tl Bayern. An pó se prenoté anter i 17 de má pro Rosa Purdeller al nr.: 348 7267449 y paié ite 50 euro. Le program ciafsëise pro Rosa Bernardi.

L'Comun da La Val inviëia düc/dütes che ne á NIA ciamó dé jö la detlaraziun linguistica online o sön papier:

vëindres, ai 03.05.2024 dales 14:00 – 18:00

sabeda, 04.05.2024 dales 08:00 – 15:00

ti ofizi de comun, olache ai ciafa la detlaraziun da compilé y dé jö.

Ala cumpëda di lingac 2023 é düc i zitadins /dütes les zitadines cherdá/des, che ai 30.09.2023 â la zitadinanza taliana y â la residënza te n Comun de Südtirol. Por i mituns / les mitans sot i 14 agn él i geniturs/o chi che á la responsabilité che dá jö la detlaraziun.

La musiga da La Val inviëia pici y gragn al concert d'aisciöda, che vëgn tigní ai 11 de má, dales 20.30 te palestra.



Plata dla Ploania da La Val

Ploan: siur Iaco Wendelin Willeit
347 9094532

parrocchiabadia@libero.it

Calonia 0471 843121

La Val ploania@aruba.it

Redaziun: platacuera@aruba.it

UNITÉ PASTORALA



VAL BADIA

www.unitepastorala.org


Radio cüra: 91,60 MhZ

Ann B

29.04. – 12.05.2024

Nr. 22-23

VI. Domënia dl ann B



I ne ves diji nia plü fanc,
deache le fant ne sa nia ci che le patrún fej.
I ves á dit amisc,
ciodich'i ves á comuniché döt,
ci ch'i á aldí dal Pere.

UNZIUNS RELIGIOSES

28.04. Dumënia	V. Domënia de Pasca 8.30 Zelebrazium dla Parora de Dî
29.04. Lünesc	<i>S. Caterina da Siena</i> degüna S.ta Mëssa
30.04. Mertesc	<i>S. Pio V. - Papa</i> 7.30 +ta Moling Maria, Lunz - aniversar +ti Sottara, Lunz in onur de siur Heinrich Videsott
01.05. Mercui	S. Ojöp laurant <i>Scomënciamënt dl mëis dediché a S. Maria</i> 20.00 funziun de má
02.05. Jöbia	<i>S. Athanasius</i> 19.30 +ti fredesc Videsott, Cians +ti Costabiei Tone y Rosa pur na familia pur les püres animes do mëssa: Adoraziun dl prüm vëindres
03.05. Vëindres	<i>Prüm vëindres – SS. Filippo y Iaco - apostui</i> 20.00 funziun de má
04.05. Sabeda	<i>S. Florian</i> 19.30 +ti Campej Giovanni y Agata +ta Clara Cecilia - aniversar fam. Pedevilla Gregor in onur dl sacro Cör de S. Maria +to Gasparini Giorgio e famiglia +ta Rubatscher Winkler Amalia – aniversar +ti Dapoz Anna y Tumesc +to Miribung Franz, Spëscia – aniv. y +ta Angela
05.05. Domënia	VI Domënia de Pasca Festa de S. Florian patron di stüdafüch 8.30 S.Mëssa cun la popolaziun in onur de S. Florian +ti Costabiei Marianna, Paul y Franz +ti Valentin Sepl y Tarina +ta Valentin Anna, Arciara - aniversar +to Nagler Sepl - aniversar +to Lunz Pio +ta Agreiter Tschaffert Anna fam. Miribung, La Cava +ti Agreiter, Lunz y Costabiei Paul Moling Augustin y Erna – de rengraziam. y families in onur de siur H. Videsott 15.00 Dé dla vita: Funziun y benedisciun di viadus nasciüs tl 2023

06.05. Lünesc	20.00 funziun de má
07.05. Mertesc	7.30 in onur de S.ta Maria pur na familia families de Dapoz Lena +to Moling Clemente +ta Campej Anna pur les animes dl purgatorio
08.05. Mercui	20.00 funziun de má
09.05. Jöbia	<i>Dis dles crusc - rogaziuns</i> 19.30 Prozesciun a S.ta Berbura y S. Mëssa pur vis y +ti Frenes, Cians pur vis y +ti Pezzei, Str. Pares in onur de S. Ojöp F. y siur H. Videsott
10.05. Vëindres	7.30 Pozesciun a Al Bagn y S. Mëssa +ti Colz Vijo y Tarina +ti Sottara, Lunz fam. Moling Gottfried, Spëscia in onur dl Sacro Cör de Gejú y Maria
11.05. Sabeda	7.30 Prozesciun a Pidro y funziun 19.30 +ti Pescollderung Alma y Pire +ti Tschaffert Heinrich y Maria families de Nagler Alfred y Maria fam. Miribung, Mirbun in onur de S. Maria y i SS. Angeli Custodi
12.05. Dumënia	Festa dl Ascensiun dl Signur - Assënza 8.30 Zelebrazium dla Parora de Dî

AODANZES: Ai **02.05.** cumplësc **Miribung vëd. Dapoz Caterina**, Ciasa de Palsa i **89 agn**, ai **02.05.** cumplësc **Comploi Giuvani**, Costa i **84 agn**.
Ti audun düt l'bun: serenité, contentëza y benedisciun de Dî!

INFORMAZIUNS

Düt le **mëis de má vëgnel tigní la funziun de má dales 20.00 te dlijia** (fora dla sabeda)

Dütes les persones atempades é indo inviades **in mertesc, ai 7 de má do mëssa tl pice salf de comun a carté, fá jüc o s'la cunté.**

Pelegrinaje: Le KVW y la ploania organisëia in **mertesc, ai 28 de má n pelegrinaje a S. Maria dl Nevegal**. Piun ia dales 7:00 da plaza de dlijia demez y sön tru se architunse a tó n café. Dales 10:30 nes dij siur Degan la s. mëssa tl santuar y dedo junse a marëna. Söl iade da gní zeruch a ciasa storjunse ciamó pro tla dlijia de Canale d'Agordo, le paisc nadé de Papa Luciani. Le iade costa 50 euro por i scric ite al KVW y 55 euro por les atres